



## **Magnum Bullarium Romanum, Seu Ejusdem Continuatio**

Quæ Supplementi loco sit, tum huicce, tum aliis quæ præcesserunt  
Editionibus, Romanæ, & Lugdunensi ...

Complectens Constitutiones Clementis XII. ab Anno I. usque ad IV.

**Luxemburgi, 1740**

LXXX. De licentia per Fratres Provinciæ Portugalliæ Tertii Ordinis Sancti  
Francisci a Superioribus petenda ad hoc, ut extra Provinciam studiorum  
causa se cobferre possint.

---

[urn:nbn:de:hbz:466:1-74733](https://nbn-resolving.org/urn:nbn:de:hbz:466:1-74733)

Votum Presbyteris a decennio in Congreg. de gentibus &c. conceditur.

innodatae existunt, ad effectum praesentium dumtaxat consequendum harum serie absolventes, & absolutas fore censentes, hujusmodi supplicationibus inclinati, de Venerabilium Fratrum Nofrorum ipsius S. R. E. Cardinalium, negotiis & consultationibus Episcoporum & Regularium praepositorum, qui relationem dilecti filii Procuratoris Generalis dictae Congregationis Piorum Operariorum sibi desuper factam attende- runt, remque undique mature discusserunt, consilio, resolutionem enunciati Capituli Generalis novissime celebrati, per quam disponitur, quod omnes Presbyteri ejusdem Congregationis Piorum Operariorum, qui decennium post Novitiatum in Congregatione praedicta transegerint, atque ab Ordinario loci ad Sacramentalia Fidelium Confessiones audiendas approbati fuerint, votum sive suffragium in Capitulo Generali ipsius Congregationis habere possint, eadem auctoritate tenore praesentium confirmamus & approbamus, illique inviolabilis Apostolicae firmitatis robar adjicimus, ac omnes & singulos juris & facti defectus, si qui desuper quomodolibet intervenerint, supplemus: salva tamen in reliquis praefatorum Clementis Praedecessoris literarum forma & dispositione, necnon quoad praemissa auctoritate ejusdem Congregationis Cardinalium.

Clausula.

§. 4. Decernentes, ipsas praesentes literas firmas, validas & efficaces existere & fore, suosque plenarios & integros effectus sortiri & obtinere; ac illis, ad quos spectat, & pro tempore spectabit, in omnibus & per omnia plenissime suffragari, & ab eis respective inviolabiliter observari; sicque in praemissis per quoscumque Judices ordinarios & delegatos, etiam Caesarum Palatii Apostolici Auditores, judicari & definiti debere; ac irritum & inane, si secus super his a quoquam quavis auctoritate scienter vel ignoranter contigerit attentari.

§. 5. Non obstantibus quoad ea, quae praesentibus adversantur, supradictis Clementis Praedecessoris literis, aliisque praemissis, ac Constitutionibus & Ordinationibus Apostolicis, necnon, quatenus opus sit, Congregationis Piorum Operariorum praedictorum, etiam juramento, confirmatione Apostolica, vel quavis firmitate alia roboratis statutis, & consuetudinibus, privilegiis quoque, indultis, & literis Apostolicis, in contrarium praemissorum quomodolibet concessis, confirmatis, & innovatis. Quibus omnibus & singulis, illorum tenores praesentibus pro plene & sufficienter expressis, ac ad verbum insertis habentes, illis aliis in suo robore permanentibus, ad praemissorum effectum hac vice dumtaxat specialiter & expresse derogamus, ceterisque contrariis quibuscumque.

Datum Romae apud Sanctam Mariam Majorem sub annulo Piscatoris die 26. Novembris 1732. Pontificatus Nostri Anno Tertio.

LXXX.

Decretum, ut Fratres Provinciae Portugalliae Tertii Ordinis Sancti Francisci ad Studia extra illam se conferre nequeant sine licentia Provincialis, ejusque Definitorii, vel sine facultate Ministri Generalis cum consilio ejusdem Definitorii &c.

Dat. die 29. Dec. 1732. Pont. An. III.

CLEMENS PAPA XII.

Ad futuram rei memoriam.

Preces, earumque causa.

§. 1. Exponi Nobis nuper fecit dilectus filius Antonius a Conceptione Minister Provincialis Tertii Ordinis S. Francisci Provinciae Portugalliae, quod, licet in eadem Provincia Studia pro iis Religiosis, qui illis operam dare velint,

non deficiant, plures tamen ex eis fugam arripunt, ac in Hispaniis proficiuntur sub praetextu ibidem incumbendi literariis exercitationibus in aliquo ex Conventibus dicti Tertii Ordinis, vel Fratrum de Observantia, quod dum perveniunt, ut plurimum contigit, eos majorem laborem in ad discenda musica, quam in literis consequendis impendere.

§. 2. Cum autem, sicut eadem expositio subiungebat, dictus Antonius Minister Provincialis, quo talis inordinatio cum disciplina regularis detrimento imposterum tollatur, opportune in praemissis a Nobis provideri, & ut infra, indulgeri plurimum desideret; Nos ipsam Antonium Ministerum Provincialem specialibus favoribus & gratiis prosequi volentes, & a quibusvis excommunicationis, suspensionis, & interdicti, aliisque ecclesiasticis sententiis, censuris, & penis, a jure vel ab homine quavis occasione vel causa latis, si quibus quomodolibet innodatae existit, ad effectum praesentium dumtaxat consequendum, harum serie absolventes, & absolutum fore censentes, supplicationibus ejus nomine Nobis super hoc humiliter porrectis inclinati, de Ven. Fratrum Nofrorum S. R. E. Cardinalium, negotiis & consultationibus Episcoporum & Regularium praepositorum, consilio, ut Fratres memorati Tertii Ordinis Provinciae Portugalliae ad studia extra dictam Provinciam sine licentia Provincialis ejusque Definitorii, vel sine facultate Ministri Generalis cum consilio ejusdem Definitorii Provincialis, sub penis fugitivorum a jure & statutis Religionis se conferre nequeant, auctoritate Apostolica tenore praesentium decernimus: Salva tamen semper in praemissis auctoritate Congregationis eorumdem Cardinalium.

Decretum.

Clausula.

§. 3. Decernentes pariter, eadem praesentes literas firmas, validas & efficaces existere & fore, suosque plenarios & integros effectus sortiri & obtinere; ac illis, ad quos spectat, & pro tempore spectabit, in omnibus & per omnia plenissime suffragari, & ab eis respective inviolabiliter observari; sicque in praemissis per quoscumque Judices ordinarios & delegatos, etiam Caesarum Palatii Apostolici Auditores, judicari & definiti debere; ac irritum & inane, si secus super his a quoquam quavis auctoritate scienter vel ignoranter contigerit attentari.

§. 4. Non obstantibus Constitutionibus & Ordinationibus Apostolicis, necnon, quatenus opus sit, Provinciae & Ordinis praedictorum, etiam juramento, confirmatione Apostolica, vel quavis firmitate alia roboratis statutis, & consuetudinibus, privilegiis quoque, indultis, & literis Apostolicis, in contrarium praemissorum quomodolibet concessis, confirmatis, & innovatis. Quibus omnibus & singulis, illorum tenores praesentibus pro plene & sufficienter expressis, ac ad verbum insertis habentes, illis aliis in suo robore permanentibus, ad praemissorum effectum hac vice dumtaxat specialiter & expresse derogamus, ceterisque contrariis quibuscumque.

Datum Romae apud Sanctam Mariam Majorem sub annulo Piscatoris die 20. Decembris 1732. Pontificatus Nostri Anno Tertio.

F. Card. Oliverius.

Innovatio literarum Clementis X. super prohibitione ambitus: ac confirmatio quorundam decretorum Capituli Generalis Congregationis Clericorum Regularium de Somaicha pro hujusmodi impediendo ambitu.

LXXXI.

CLEMENS PAPA XII.

Ad futuram rei memoriam.

Dat. die 28. Jan. 1733. Pont. An. III.

§. 1. Exponi Nobis nuper fecit dilectus filius Procurator Generalis Congregationis

Cleri-